

欽定大清會典圖

欽定大清會典圖卷一百六十一

輿地二十三


山西省全圖


太原府圖

平陽府圖

山西省全圖一

甲




































山西省全圖二

南

The image shows a grid with 10 columns and 10 rows. The top-left corner contains a fragment of a map or technical drawing, which is partially obscured by the grid lines. The map fragment includes several irregular shapes and lines, possibly representing terrain or a specific area of interest. The rest of the grid is empty.





山西省在


京師西南太原府為省治山西巡撫布政司共治  
馬統府九州八歸綏道屬廳七太原府東平定  
州北甯武府朔平府歸綏道屬七廳東南遼州  
沁州潞安府澤州府西南汾州府霍州隰州平  
陽府絳州解州蒲州府東北忻州代州大同府  
西北保德州黃河自內蒙古伊克昭盟鄂爾多  
斯旗東南流入境經薩拉齊廳南其南為鄂爾  
多斯旗界折東南經托克托廳西合黑河又屈  
西南經清水河廳西合兔毛河又經保德州西

北合大澗河。西為陝西榆林府界。又西南經太原府西北合嵐漪河。又經汾州府西合離石水。又經隰州西。其西為陝西綏德州界。合昕川河。又南經平陽府西。其西為陝西延安府及同州府界。又經絳州西。蒲州府北受汾河。河出甯武府西南。南流經忻州及太原府西。合渦水。又經汾州府東。合文峪河。又經霍州及平陽府西。折西南。經絳州東南。合澮河。又屈西流。注黃河。黃河又西南。經蒲州府西南。錯入陝西同州府界。涑水會姚暹渠出境。注之。又南折東。經府東南。

又經解州南。其南為河南陝州及河南府界。又經絳州東南。合沅水。又東入河南懷慶府界。桑乾河出朔平府南。東北流經大同府南。會渾河。及如渾河。又東流入直隸宣化府界。滹沱河出代州東。西流折南。經忻州北。平定州東。北。又東入直隸正定府界。清漳河出平定州南。屈曲南流。經遼州東。入河南彰德府界。濁漳河二源。南源出潞安府北。源出沁州。合東北流。又合小漳水。亦入彰德府界。沁河出沁州西南。流經平陽府東。澤州府西。與丹河並南流。入懷慶府界。寇

水出大同府。沙河。滋河。並出代州。東流入直隸  
易州。及正定府界。東至直隸界。西至陝西界。南  
至河南界。北至察哈爾。及內蒙古烏蘭察布盟  
界。西北至伊克昭盟界。

太原府圖





太原府為山西省治。至

京師一千二百里。領州一縣十。治陽曲。南太谷。東南榆次。西南徐溝。太原交城。文水。祁縣。西北嵐縣。興縣。岢嵐州。黃河自保德州南流。經興縣。西為陝西榆林府。府谷縣界。漪水出岢嵐州東。南合黃道川。三角城。二水西北流。沙河出州北。岢嵐山西南流。與合是為岢漪河。西南流注之。又屈西南。西為榆林府神木縣界。蔚汾河出嵐縣西北。黃尖山西北流。經縣西南。左合南川水。西北流注之。又西為榆林府葭州界。又南入汾。




州府臨縣界汾河自忻州靜樂縣南流入界經  
交城縣北孔河出縣西北山東南流注之酸水  
出縣西北少陽山東北流注之又屈東北流經  
府治西北掃谷水出府治西北境龍泉水出府  
治北山合南流注之又南陽興河出府治東北  
分水嶺西南流合石橋水是為洛陰水又西流  
注之又南經府治西又經太原縣東晉水出縣  
西懸壘山分三渠東流注之又南經徐溝縣北  
會洞澗水水自平定州壽陽縣西流入界經榆  
次縣東南大涂水出太谷縣東南八賦嶺合小

涂水北來注之。又西右納原過水。又西經徐溝縣東北太原縣南。復經徐溝縣境。與汾河會。汾河又南經縣西南。回馬河一名烏馬河。自遼州榆社縣來。經太谷縣北西北流注之。又西南經文水縣東南入汾州府平遙縣界。文峪河即文水上游。曰渾谷水。出交城縣西北孝文山西南。流合石渠河西谷水。屈東南經縣西合連石樓山水。又合文谷水。是為文峪河。東南流經文水縣北。瓷窰河一名塔沙水。瓦窰河一名步渾水。並出交城縣西北合南流注之。屈西南經縣南。

右納隱泉水。又西南入汾州府汾陽縣界。昌源河古侯甲水。舊名沙河。自沁州武鄉縣北流入。界經祁縣東南。屈西北。經縣北。又西南入汾州府平遙縣界。嵐水出嵐縣南赤堅嶺。北流折東。壺盧河出縣北。乏馬雙松二嶺。南流注之。又東入忻州靜樂縣界。湫河古陵水。出興縣東南。西流入汾州府臨縣界。岢嵐山在岢嵐州北。府東界平定州北。及東北界忻州。西及西南界汾州府。南界沁州。西北界保德州。東南界遼州。西北界陝西榆林府。

平陽府圖





平陽府在省治西南五百六十里。至

京師一千八百里。領州一縣十。治臨汾北汾西。東南浮山翼城。西南襄陵太平曲沃鄉甯。東北洪洞岳陽。西北吉州。黃河自隰州大甯縣西南流。經吉州西北。西為陝西延安府宜川縣界。又西南經壺口山。是為孟門。又東南清水河古羊求川出州東高天山。左右各合一小水。經州南屈西流。注之。又南經鄉甯縣西。西為陝西同州府韓城縣界。鄂水出縣東鄂山。合羅峪河及數小水。經縣南西流。注之。又東南入絳州河津縣界。

汾河自霍州西南流入界。經汾西縣東南。轟轟澗水出縣東北境。南流注之。勅香河出縣西境。東南流注之。又南錯入霍州趙城縣界。復經洪洞縣西。右納北澗河。又南澗河。古通軍水。出岳陽縣北金堆里。合安吉嶺水。南流經縣南。合朱家窰水。西來注之。又南左納羊獍河。右納南澗河。又南經府治西。受高河。河為古高梁水。上游為漪水。出浮山縣東南壺口山。合龍角山水。西流經縣西南。折西北。經府治東。烏水一名滂水。出浮山縣東北烏嶺西北。流來注之。是為高河。



又西金水河出浮山縣南浮山亦西北來注之。  
又西注汾河汾河又南平水出府治西平山東  
流注之。又南經襄陵縣東龍子祠水自府治西  
東南來歧為三環城東流注之。又南經太平縣  
東曲沃縣西合水古天井水出翼城縣西北小  
縣山合溫泉水西南流注之。又南入絳州界滄  
河出翼城縣東西烏嶺北源出縣東北佛山合  
西源頭水來會。又南流灤水出縣東南絳高山  
合沙泉西流注之。是為滄河。又西南錯入絳州  
絳縣界折西北復經曲沃縣南。絳水自絳州北

流來注之。又西入絳州界。沁河自沁州沁源縣南流入界。經岳陽縣東。和川河一名蘭河出縣北寶豐里東南流注之。又西橫水自潞安府長子縣西流來注之。又折東南入澤州府沁水縣界。東河出浮山縣東橫嶺山東南流入沁水縣界。南川河出鄉甯縣東北牛王廟東北流入隰州蒲縣界。懸底河出吉州東高天山北流入隰州大甯縣界。義泉河出汾西縣西南境西北流入隰州界。府東界潞安府。西界陝西延安府。北界霍州。南界絳州。東南界澤州府。西南界陝西

同州府。東北界沁州。西北界隰州。

欽定大清會典圖卷一百六十二

輿地二十四

蒲州府圖


潞安府圖

汾州府圖

澤州府圖

蒲州府圖






蒲州府在省治西南一千一百里。至

京師二千二百里。領縣六。治永濟。東南虞鄉。東北臨晉。猗氏。滎河。萬泉。黃河自絳州河津縣南流。經滎河縣西北。汾河亦自其縣來。會西為陝西同州府韓城縣界。經臨晉縣西。西為邵陽縣界。又西南經府治西北。又西南錯入朝邑縣界。復東南流。經府治西南。西為陝西同州府華陰縣界。又南為河南陝州閿鄉縣界。又東經永樂鎮南。媯汭二水並出。府治東南。歷山合南流。注之。又東入解州芮城縣界。涑水自解州安邑縣西



流入界經猗氏縣南。又經臨晉縣虞鄉縣北。姚  
暹渠亦自解州來合流。匯為五姓湖。鴨子池亦  
在虞鄉縣北。上承中條山諸谷水。北流注之。又  
西出經府治南。又西流入陝西同州府朝邑縣  
界。注于河中。條山在府治東南。府東及東南界  
解州西北。及西南界陝西同州府。南界河南閿  
鄉縣東北界絳州。

潞安府圖





潞安府在省治東南四百五十里至


京師一千三百里。領縣七。治長治。東南壺關。西南長子。東北潞城。襄垣。黎城。西北屯留。濁漳河二源。西源出長子縣西南發鳩山。東流右合繖蓋水。左合陽泉水。經縣南。又東。慈林水出縣南丹朱嶺。東流折北注之。又東。經府治南。折北流。洶清河出壺關縣東南。東井嶺。西北來合雞鳴水入諫水注之。又北。經府治西。藍水出屯留縣西南。盤秀山。雍水亦出縣西境。合東流。經長子縣北來注之。又北。石子河一名壺水。出壺關縣東。


南七里村西北來注之。又北經屯留縣東南。又東北經潞城縣。西絳水即古涑水出屯留縣西盤秀山。左合七泉水。高麗河交川水東流經縣北折東南。右合雞鳴水東來注之。又西北經襄垣縣東南。北源自沁州東南流經縣西合郭水來會。又北流甘水出縣西北甘羅堰村東南流注之。又折東北。小漳河自沁州武鄉縣南流經縣北。合史水來會。又折東南經黎城縣。西潞城縣北。復經黎城縣東南。左納黃須水。又東經潞城縣東北入河南懷慶府涉縣界。清漳河自遼

州南流入界。經黎城縣東北。東南流亦入涉縣界。玉泉水出黎城縣東北原泉村。亦東流入涉縣界。浙水自澤州府陵川縣北流入界。經壺關縣東南。東北流。五指河即古沾水。出縣東南。東井嶺。東南流注之。又東南入河南彰德府林縣界。橫水即古八十里川水。出長子縣西境。西南流入平陽府岳陽縣界。府東及東北界河南彰德府。西界平陽府。北及西北界沁州。南及西南界澤州府。東南界河南衛輝府。東北界遼州。

汾州府圖







汾州府在省治西南二百二十里至

京師一千三百八十里。領州一縣七。治汾陽西甯鄉。東南孝義介休平遙西南石樓西北永甯州臨縣。黃河自太原府興縣南流經臨縣西。西為陝西榆林府葭州界。紫金山水杏林莊河曲峪河清涼寺河月鏡川水並出縣西境西南流注之。又經永甯州西。西為陝西綏德州吳堡縣界。湫河亦自興縣來西南流經臨縣北合窰頭水。萬安溝屈經縣東合連枝山水。漢高山水西南流經州西北磧石鎮南注之。又南受三川河。

上承離石水即北川河出州北赤堅嶺南流經州北左合呂梁山水右合北湖水又南經州西北東川河出州東合吳城鎮水西北流來會又經州西南清水河即南川河出甯鄉縣南泉子山合諸山水西北流來注之是為三川河又西注黃河黃河又南經甯鄉縣西西為綏德州界又經石樓縣西沙河上流為土軍川水出縣東境合牧馬川屈產泉暖泉陂水西北流注之又南左納溫泉水又南入隰州永和縣界汾河自太原府丈水縣南流入界經平遙縣西受昌源

河。河自太原府祁縣來西南流經縣東北左納  
嬰澗水。又南中都河出縣東南過嶺山合源池  
水亭岡水西北流注之。又西南流注汾河。汾河  
又西南經介休縣北左納勝水石河石洞水。又  
西會文峪河。河自太原府文水縣南流入界。經  
府治東右納原公水金鎖關水。又南經孝義縣  
東。義河一名金沙河出縣西北薛頡嶺東流注  
之。又南孝河出縣西南盤重原合陽泉水東流  
注之。又東南流與汾河會。汾河又南入霍州靈  
石縣界。府東至北界太原府西界陝西經德州。


南界霍州東南界沁州西南界隰州西北界陝

西榆林府

澤州府圖







澤州府在省治東南六百二十里至

京師一千八百里領縣五治鳳臺北高平東北陵  
川西陽城西北沁水沁河自平陽府岳陽縣南  
流入界經沁水縣北東河自平陽府浮山縣東  
東北流注之又經縣東北梅河杏河並出縣西  
南東陽嶺東流夾縣城俗名縣河合東北流注  
之又東南海子河即秦川水出縣東北秋峪嶺  
合十里河即彙水又合玉溪河西南流注之又  
東南左納潘河又經陽城縣東左納史山河又  
南蘆河即古陽泉水出沁水縣南鹿臺山合黑

嶺水東流來注之。又南澤河即古漢澤水出縣西白澗嶺東流合西河小河注之。又南桑林水出縣南析城山東麓東北流注之。陽阿水一名長河出府治西北境西南流來注之。又東南經府治西南入河南懷慶府濟源縣界丹河上源出高平縣北丹朱嶺合絕水南流。長平水出縣西繖蓋山東流注之。屈東南經縣東西長河東長河並出縣東北西南流注之。又南許河出縣西五龍山合二小水東南流注之。又南經府治東北蒲水出陵川縣西北聖宮山合一小水西

南流注之。又南古莞谷水一名源源水出府治北二仙掌左合塔河東流來會。又南流東大河一名丈河出陵川縣東北堯莊西南流注之。又南白水出府治西北伊侯山合小箕水大箕水東南流注之。又南經三谷水口隘入河南懷慶府河內縣界。沈水東源曰教水一名東河出陽城縣西南千峯嶺南合一小水西南流入絳州垣曲縣界。浙水為淇水上源出陵川縣東北浙山東北流入潞安府壺關縣界。太行山在府治南。府東至南界河南懷慶府。西及西南界絳州。

北界潞安府。東北界河南衛輝府。西北界平陽府。

欽定大清會典圖卷一百六十三

輿地二十五


大同府圖

甯武府圖


朔平府圖

平定州圖

大同府圖







大同府在省治北六百二十里至


京師七百二十里。領州二縣七。治大同南。應州東。南。渾源州。廣靈。靈邱。西南。懷仁。山陰。東北。陽高。天鎮。桑乾河自朔平府朔州東北流入界。經山陰縣西北。屈東南。經縣東。黃水河亦自朔州東北流來注之。又東經應州北。渾河出渾源州東南。漢土峪。北流合望狐山水。折西合李家窰水。西流來會。又東北經府治南。受如渾河。河一曰御河。自豐鎮廳南流入界。經府治北。右納卷子河。左納鎮川河。經治東。又南肖晝河自朔平府


左雲縣東南流來注之。又南注桑乾河。桑乾河  
又東經天鎮縣南。又東入直隸宣化府西甯縣  
界。南陽河古雁門水。出豐鎮廳東北山羊寨。南  
流入邊。經陽高縣西北。馬邑水出縣西北境。東  
流注之。經縣北。東南流至縣東南。白登河出府  
治東。少咸山南流折東北注之。又東經天鎮縣  
西南。三沙河出縣東南境。西流注之。經縣北。又  
東北入直隸宣化府懷安縣界。西陽河古延鄉  
水。出豐鎮廳東北山。東流入界。經天鎮縣東北  
石塘河亦自其廳來。東南流注之。又東亦入懷

安縣界。壺流河出廣靈縣西。莎泉東流合石家泉。枕頭河經縣東。壺山入直隸宣化府蔚州界。澗水出渾源州南。槍峯嶺東南流經靈邱縣南。黑龍河落水河並出縣北境南流注之。又東南入直隸易州廣昌縣界。鷓子河靈邱河並出靈邱縣南境南流入直隸正定府阜平縣界。水溝口河俗名姜前屯河出天鎮縣東南境東流入直隸宣化府懷安縣界。虎溝河亦出天鎮縣東南境東南流入宣化府西甯縣界。恆山為北嶽在渾源州東南。府東及東北界直隸宣化府西。

及西南界朔平府北及西北界豐鎮廳南界代  
州東南界直隸易州

甯武府圖









甯武府在省治北三百四十里至

京師九百五十里。領縣四。治甯武西北。神池偏關西南五寨。黃河自清水河廳南流。經偏關縣西北邊牆外。關河自朔平府平魯縣來西南流。經縣東南合了角崖紅水溝。沙窰寺諸水西北流注之。又西南入保德州河曲縣界。清連河出五寨縣西南蘆芽山。東北流經縣東。又北達沐河出神池縣北義井河。出神池縣西合西流注之。是為大湖河。西流亦入河曲縣界。汾河出府治西南管涔山。合天池水西南流入忻州靜樂縣。

界。埃河一名潭河。出府治西南分水嶺。東流經  
治南。又東入朔平府朔州界。府東至南界代州。  
西界保德州。北及東北界朔平府。西北界清水  
河。慶西南界太原府忻州。

朔平府圖





朔平府在省治北六百七十里至


京師九百六十里領州一縣三治右玉東南左雲朔州西南平魯桑乾河出朔州東洪濤山二源左曰黃道泉右曰金龍池合東南流經州東馬邑鄉南會恢河河自甯武府甯武縣北流入界經州南左納二小水折東流巖澗水合七里河南流注之又東右納沙梭水東北流與桑乾河會桑乾河又東北入大同府山陰縣界黃水河出朔州東南境東北流入山陰縣界肖畫河舊名十里河出左雲縣西南境合廖家河北流

經縣西北折東流左合龍泉水又東經縣東焦山南是為肖畫河入大同府大同縣界兔毛河出府治東驛駝山西流經府治北會滄頭河河出平魯縣西南境北流環縣城折東北經府治南右納牛心山水左納孫家川水雲石堡水屈西北經府治西右納范家堡水馬營河又北與兔毛河會又北入和林格爾廳界湯溪河出平魯縣西北大頭山西北流為清水河入清水河廳界關河出平魯縣西境西流入甯武府偏關縣界府東及東北界大同府西及西北界和林

格爾廳。北界甯遠廳。南界甯武府。東南界代州。  
西南界清水河廳。



平定州圖





平定州在省治東南二百七十里。至

京師八百七十里。領縣二。西北壽陽孟縣。滹沱河自代州五臺縣東南流入界。經孟縣北。龍花河出縣西北興道村東北流注之。又東烏河亦出縣西北境東北流注之。折東北秀水河出縣西南玉泉山左合香河東北流注之。又東入直隸正定府平山縣界。桃水古縣蔓水為冶河北源。出壽陽縣東南桃源溝合諸山溪水東流經州治北。又東南川水出州東南柏井鎮分水嶺。西北流合嘉水黑水陽勝水北來注之。又東北丈

谷水出州治北河底鎮東南流注之。又東澤發水一名妬女泉出州治東北承天山南流注之。又東入直隸正定府井陘縣界。沾水為治河南源。出州治東南沾嶺。合陡泉及諸山水。經樂平鄉北。東北流。甘桃河一曰西韓河亦出分水嶺。東流注之。又東北入直隸正定府井陘縣界。清漳河亦出沾嶺西南。流入遼州和順縣界。洞渦水出州治東南陡泉山。西流經壽陽縣南。壽水出縣西。要羅山合黑水。東流經縣南。折南流注之。又西入太原府榆次縣界。府東及東北界直

隸正定府。西界太原府。南及西南界遼州。北界  
代州。西北界忻州。東南界直隸趙州。